

BUNITA PRESENTACION DI GUIA DI CARNAVAL



Mester duna un felicitacion na Chibi van der Hans pa e bunita guia di carnaval Bacchanal cu e siman aki a wordo presenta pa carnaval 45.

Despues di un trabao inmenso cu Chibi a haci ultimo dos aña y pico hunto cu su editor Vanja Oduber y ultimo lunanan cu Monique, nan a logra trece un guia di carnaval riba mercado cu lo por bira exito grandi e temporada aki y den futuro durante carnaval.

Cu musica di Climax, un recepcion cu presencia di prome ministro Henny Eman, ministro Lili Beke y ministro Mary Wever, cu presencia tambe di Secretaria di ministronan Alice van Romondt, miembronan di directiva di SAC presidi pa Sr. Milo Croes, Reina di Carnaval Sharity Kock, reina Juvenil di Carnaval Nisana Solognier, y Zachery Croes Reina infantil di carnaval 1998, entre otro, e presentacion a tuma lugar na Royal Plaza, dilanti un publico basta grandi.

Den e guia por mira relatonan relaciona cu carnaval 1998, y tambe di reinanan, actividadnan di tumba y calypso/roadmarch, dedicacion na Buchi Rasmin q.e.p.d. y programa di carnaval entre otro, tanto na Papiamentu como ingles. Den e dianan aki na varios lugar riba nos isla lo por haya e guia aki cu enverdad a resulta den un presentacion di recuerdo.